

արքային Պարսից. կամ թե զհ'արդ Արշակ արքայ Աւետարանաւն երդուեալ արքային Պարսից, ուխտեր նմա, կամ թե զհարդ ստեաց յետոյ եւ փախեալ. կամ թե զհա'րդ արք եւթանասուն զԱստուծոյ պաշտանեայսն կոտորեր արքայն Պարսից վասն նորա:

2 Յայնմ ժամանակի կոչէր առ ինքն Շապուհ արքայն Պարսից զթագաւորն Յայոց զԱրշակ, եւ մեծարեցաւ ի նմանէ բազում պատուով եւ մեծաւ փառաւք, բազում գանձու ոսկւով եւ արծաթով, ամենայն մեծութեամբ թագաւորութեանն: 3 Եւ իբրեւ զեղբայր որպէս զորդի գրգեալ եղել ի նմանէ, եւ երկրորդական զմեծ տունն տայր նմա յատրպատական աշխարհին. եւ ի միասին ի միում տախտի գահուն ի ժամ ուրախութեանն բազմէին, զմիագոյն զմիանշան զհամահանդերձ զարդու: 4 Եւ զմիաւրինակ զթագն ար ըստ արե ինքեան եւ նմա թագաւորն Պարսից զարդ պատրաստեր. զոյգ երկոքին ի միասին որպէս զեղբարս հարազատս անբաժինս յղկացեալք էին ի միում ուրախութեան, եւ յանպատում ուրախութեան ուրախ լինէին:

5 Ապա եղել դէպ ար մի յաւուրց, եկն եմուտ թագաւորն Յայոց Արշակ շրջել զասպաստանաւ միով զարքային Պարսից. իսկ ախոռապետն արքային Պարսից նստեր ի ներքս ի տան ասպաստանին: 6 Իբրեւ տեսաներ զթագաւորն, ոչ ինչ առ լաւ¹ կալեալ մեծարեաց զնա, եւ ոչ ինչ շուքս դներ նմա. այլ եւ անարգանս եւս դներ թշնամանաց, ասելով ի պարսկերէն լեզու՝ թե այժից Յայոց արքայ, եկ նիստ ի խրձան խոտոյ ի վերայ: 7 Չոր բանս իբրեւ լւեր սպարապետն զաւրավարն Յայոց մեծաց, որում Վասակն կոչէր, ի Մամիկոնեան տոհմէն, մեծաւ բարկութեամբ եւ բազում սրտմտութեամբ բարկաւայր. ի վեր առեալ զուսերն՝ զոր ընդ մէջն ուներ, հարեալ անդէն ի տեղւոջն զախոռապետն արքային Պարսից զխատեր ի ներքս յասպաստանի անդ: 8 Չի ոչ կարաց լսել եւ ժոյժ ունել զհւրոյ թագաւորին զանարգանս. զհւր մահն առաջի եղեալ լաւ հաշուեր բազում անգամ, քան զՏեառն իւրոյ լսել զվատթարութեան թշնամանս: 9 Իբրեւ ի Պարսից աշխարհի էին, յայլոց ի տեղի եւ ի նոցուն հրապարակի աներկիւղ եւ անկասկած յանկարծաւրէն զայսպիսի զգործ կարաց գործել: 10 Իսկ թագաւորն Պարսից յորժամ զայս լւեր, բազում շնորհ ուներ զաւրավարին Վասակայ, ընդ քաջասրտութեանն զարմացեալ եւ ընդ բազում աներկիւղութիւնն: 11 Եւ բազում պարգեւաց եւ պատուոյ արժանի առներ, զքաջութիւն եւ զտիրասիրութիւնն գովեալ: 12 Վասն այնր իրաց մեծաւ սիրով սիրեր զնա, եւ ըստ արժանի իւրում պատուեր զնա. մեծարեր զամենայն աւուրս հաշտութեան եւ խաղաղութեանն՝ որ ի մէջ նոցա էր:

1 Յոր. լուս